

VICTORY HMONG ALLIANCE CHURCH

“Be imitators of Christ living together in victory”

1 Corinthians 11:1; 15:57-58



602 Acewood Blvd - Madison, WI - 53714 - www.victoryhmong.org

TSAVNTAWV TSHAJXO (NEWSLETTER)

APRIL 2021



SENIOR PASTOR:

Xh. Tswv Tub Vwj

Nyob zoo cov ntseeg. Vam hais tias nej sawvdaws yuav noj qab nyob

zoo. Tibpliag xwb twb rov ncig rov los txog tau ib lub xyoos uas peb mam rov tau tuaj nyob uake pehawm Vajtswv thiab sibpom dua. Zoo siab ua Vajtswv tsaug rau Nws kev tsomkwm sawvdaws. Txawm ntau yam tau hloov thiab tau txawm tsis zoo li yavtas los lawm los peb txhua tus tseem tuav kev ntseeg Vajtswv khovkho li qub. Kuv ua tsaug rau nej txhua tus uas nej kubsiab lug thov Vajtswv pab rau peb cov tswvcuab txhua tus thiab kev khiav haujlwm rau hauv pawgntseeg. Nej mobsiab muaj nyiaj pab ua Vajtswv haujlwm txhua lub limtiam. Txhua yam hauv pawgntseeg tseem nyob li qub thiab peb kev ua Vajtswv haujlwm tseem mus taus tsis tuncua loj loj. Yog li ua nej sawvdaws tsaug. Tsis tas li no, ua tsaug uas nej coob tus twb rov tuaj nrog pawgntseeg pehawm Vajtswv txij hnuv peb rov qhib kev pehawm Vajtswv rau ntawm tuamtsev no lawm. Nqua hu kom sawvdaws nco ntsoov tuaj pehawm Vajtswv hnuv no rau yav tomntej. Thov Vajtswv foom koobhmoov rau nej txhua tus.

TXOJLUS TXHAWBZOG: “Cia Koj Ua Lub Paj Tswqab Rau Lwm Tus”

Tus Sau: Xh. Tswv Tub Vwj



Lub caij no yog lub sijhawm tej paj ntoos tabtom tawg thiab tswqab kawg li. Nyob ibpuag ncig peb, pajmab pajntoos tawg txhua yam xim ua rau txhua qhov chaw zoo nkauj kawg. Peb coob tus yeej xav yeesduab nrog tej pajntoos ntawd thiab xav mus hnia tej paj ntawd tus ntxhiab tswqab.

Peb lub neej nyob rau ntawm Vajtswv hnuv no yog lub neej tshiab. Peb zoo li cov paj tawg tshiab no. Vaj Ntsujplig tau muab peb yug dua tshiab thiab hloov peb tus hwvxyeej tshiab. Ib lub homphiaj rau peb lub neej tshiab no yog Vajtswv xav kom peb dhau los ua tus uas lwm tus xav nrog thiab xav txav los ze. Yam loj tshajplaws nyob rau ntawm peb uas yuav rub tau thiab ua rau tibneeg xav txav los ze peb yog peb txojkev hlub. Thaum lwm tus paub hais tias peb muaj kev hlub lawv, lawv yeej yuav nyiam txav los rau ntawm peb xwb. Kx. Paulus sau qhia rau peb hais tias tus uas muaj txojkev hlub tseeb tiag, tus ntawd yeej muaj tej mojjam uas ua rau lwm tus xav txav los ze nws.

1 Kaulithaus 13:4-7 qhia meej rau peb hais tias cov mojjam ntawd yog cov no rawsli Kx. Paulus sau hais tias, *“Kev hlub yog kev ua siabntev thiab muaj lub siabzoo; kev hlub tsis muaj khib, tsis khavtheeb lossis tsis muabhlob; kev hlub tsis yog kev uanruj uatsiv, tsis yog xam pom yus tuskheej xwb, tsis lam npautaws yoojyim; tsis cimntsoov luag tej kev txhaum; kev hlub tsis zoosiab rau txojkev phem, tiamsis zoosiab rau txojkev tseeb. Kev hlub*

tivthaiv txhua lub sijhawm, ntseeg txhua lub sijhawm, muaj kev ciasiab txhua lub sijhawm, thiab ua siabntev tiv tag mus li.”

Tus muaj kev hlub yog tus zoo li lub paj tawg tshiab uas zoo nkauj thiab tswqab vim nws muaj cov moxyam uas lwm tus nyiam. Yog li cov phoojywg, los ntawm koj thiab kuv txojkev hlub uas tibneeg pom, lawv yuav xav los ze peb thiab nrog peb.

Cia cov lus nyob rau ntawm 1 Kaulithaus 16:14 uas hais tias, “*Cia txhua yam nej ua yog ua los ntawm txojkev hlub.*” nqua hu koj thiab kuv hnub no. Cia peb yog lub paj zoo nkauj thiab tswqab rau lwm tus vim peb muaj kev hlub.



**ASSOCIATE
PASTOR
Xh. Isaiah Thor**

Dear Victory Hmong
Alliance Church,

What a joy it has been these past couple of weeks here in April! We all finally were able to meet again together after a long year of being apart, and we got to celebrate Easter Sunday together! We no longer have to speak to a camera only, so that’s comforting! I never knew how much my soul longed to be with the body until this pandemic has happened. Praise God that He has given us a community to thrive together with as we dwell within His word together.

What was especially exciting was being able to reopen Friday Nights back up. Our first nights back together, we had a whopping 30 people show up! Thank you

for entrusting us with your children as they come to worship with us. Thank you for pushing them not to just attend Friday Nights, but also training them to prioritize God within their lives. Our Youth team truly appreciated all the love and support that we have been getting from our parents. May God continue to bless you and your household with His mercies and truth!

HLUB has finally reached their limit in capacity! Anyone else who decides to sign up will be put on a waiting list. I’ve gotten many questions on housing situation, and I want to assure all parents that we will do our best to make sure your child won’t feel so lonely and alone in their room. As of right now, we will have to follow COVID guidelines from the campus, but the HLUB team is doing their best to make things work before HLUB begins. If you have any further questions regarding HLUB or Friday Nights, please feel free to contact me at 608-577-0578 or my email at Isaiahythor@gmail.com. Thank you.

LUS TSHAJTAWM:



1. Peb twb rov pib muaj kev tuaj txoos uake pehawm Vajtswv rau ntawm tuamtsev pib thaum lub 4 hlis, tim 4 los lawm. Yog li thov caw sawvdaws tuaj koom txhua lub limtiam

thaum 1pm. Yog nej tuaj tsis tau los peb tseem muaj Livestream li qub rau nej kom thiab.

2. Peb yuav rov tshuaj tswvcuab npe dua (renew/update membership) ob peb lub hlis tomntej no. Yog li thov peb cov tswvcuab txhua tus rov sau npe dua tshiab.

3. Yuav muaj kawm txog kev ua tswvcuab tshiab rau lub 4 hlis, tim 25 tomntej no. Yog nej leejtwg xav ua tswvcuab thiab kawm hoob ua tswvcuab no, qhia rau Xh. Tswv Tub paub.

4. Hauvpaus Kooshaum Hmoob lub rooj sablaj txwm xyoo yuav muaj nyob rau Milwaukee rau thaum lub 7 hlis, tim 4 txog rau tim 9. Yog nej leejtwg xav mus koom kev pehawm Vajtswv rau yav tsausntuj los yeej tau.

5. Tamsi no cov ministries lossis tej phab peb qhib rau hauv pawgntseeg rau cov ntseeg tuaj koom uake yog cov no:

- a. Kev pehawm Vajtswv rau hnuv Hnubkaj.
- b. Cov Niamtsev kev txoos uake thiab kev pehawm Vajtswv uake.
- c. Cov Txivtsev kev txoos uake thiab kev pehawm Vajtswv uake.
- d. Cov hluas kev txoos uake thiab kev pehawm Vajtswv txhua hnuv Friday tsausntuj.



1. Muaj pestsawg tus timtswv los cuag Lauj nyob rau hauv lub nroog Xadoos?

- A. 1 tug
- B. 2 tug
- C. 3 tug
- D. 4 tug

* Mus saib hauv Chivkeeb 19:1

2. Tomqab Vajtswv muab Nkide-oos cov

tubrog txo tag lawm, tshuav pestsawg leej nrog nws mus tua cov Midias lawm xwb?

- A. 10,000 leej
- B. 3,000 leej
- C. 300 leej
- D. 30 leej

* Mus saib hauv Cov Thawjtswj 7:7

3. Ntawm kaum tus hluas nkaujxwb uas tos tus nraugvauv, muaj pestsawg tus yog cov ntse?

- A. 2 tug
- B. 5 tug
- C. 7 tus
- D. 10 tus

* Mus saib Mathais 25:2

THOV VAJTSWV RAU (PRAYER ITEMS):



1. Thov Vajtswv rau pawg ntseeg kev nrhiav lub tsev xibhwb thib ob (second parsonage).

2. Thov Vajtswv pab rau cov tswvcuab uas muaj mob. Peb kuj muaj cov hluas thiab cov laus uas muaj mob. Yog li thov sawvdaws pab thov Vajtswv rau lawv.

3. Thov Vajtswv pab rau Hauvpaus Kooshaum Hmoob lub rooj sablaj txwm xyoo yuav los rau lub 7 hlis, tim 4 txog 9, xyoo 2021 no nyob rau tom Milwaukee.

4. Thov Vajtswv pab rau cov hluas lub rooj txhawbsiab HLUB nyob rau Indiana State University. Peb yuav muaj li 21 tus hluas nrog rau Xh. Isaiah thiab N. Xh. Isaiah lawv yuav mus koom.

5. Thov Vajtswv pab rau peb lub teb lub chaw kom txhob muaj kev sibntxub ntxaug. Tshwjxeeb yog ntxub peb cov neeg dubhau.

6. Thov Vajtswv pab rau peb pawgntseeg vim peb tau rov qhib kev pehawm Vajtswv

thiab lwm yam ministries lawm. Kom txhua yam peb ua los txhob muaj dabtsi tabkaum.

7. Thov Vajtswv pab rau cov xibhwb lub rooj txhawbsiab nyob rau thaum lub 8 hli, tim 19 txog rau 22 nyob rau Denver, CO.

8. Thov Vajtswv pab rau Hauvpaus Kooshaum Qibsiab lub rooj sablaj yuav muaj nyob rau thaum lub 5 hli, tim 31 txog rau lub 6 hlis, tim 3 nyob rau Nashville, TN.

CHURCH INFORMATION:

Cov Ministries qhib thiab Sijhawm:

Pehawm rau Hnubkaj (Sunday Worship)
1:00pm – 2:30pm

Cov Hluas Sijhawm Pehawm Vajtswv (Youth Worship)
6:30pm – 8:00pm Every Friday night

Cov Vivncaus (Niamtsev)
(Alliance Women Worship and Fellowship)
6:30pm – 8:30pm
Second Friday of every month.

Cov Txivtsev
(Alliance Men)
TBD (Mam Qhia Sijhawm)



QUOTE:

“Noog thiab kab yeej nyiam lub paj zoo nkauj thiab tswqab tshaj xwb. Cia peb zoo li lub paj uas zoo nkauj thiab tswqab rau lwm tus los ntawm peb txojkev hlub.”

“Birds and insects are attracted to beautiful flowers and their sweet aroma. Let us be the flowers that attract others by the sweet aroma of our love.”

~ Xh. Tswv Tub Vwj ~

ROV QHIB KEV PEHAWM VAJTSWV TOM TUAMTSEV (REOPENING WORSHIP SERVICE) – APRIL 4, 2021.



Pab Saib Nkauj thiab Pab Kaw Suab thiab Yeesduab



Ua tsaug rau N. Ntxoov Roog, N. Tsaav Nyaj, N. Txawj Xab, N. Xeev Pov, N. Tooj Pov, N. Xh. Tswv Tub, N. Txoov Sawm, N. Txooj Tsab thiab cov niamtsev txhua tus uas pab yuav cov paj no rau Easter Sunday thiab hauv tuamtsev.



HAPPY SPRING!